

A photograph showing a man in a blue shirt and a purple cap tending to a group of cows in a fenced enclosure. The cows are of various colors, including brown, tan, and black. The man is leaning over one of the cows, possibly checking its health or feeding it. The enclosure is made of metal railings and is situated in a lush, green environment with trees and foliage in the background.

# KORBAN CITA-CITA BELA LEMBU

Ahmad miliki ijazah dalam kejuteraan kini usahawan penternakan Ladang Ayoh

**SENTIASA**  
memastikan lembu  
miliknya dalam  
keadaan sihat.

Oleh Hafiz Ithnin  
hafizithnin@mediaprima.com.my

Bagi lelaki berusia 31 tahun ini, dia sedikit pun tidak menyesal 'gagal' menggapai cita-citanya sejak di bangku sekolah untuk menjadi jurutera.

Malah, melihat rezekinya sebaik sahaja menamatkan pengajian di peringkat ijazah dalam bidang itu menemui kerjaya sebagai usahawan penternakan lembu sesuatu yang amat manis.

Ahmad Mustapa adalah pemilik ABM Agrofarm yang lebih dikenali dengan jenama Ladang Ayoh di Jertih, Terengganu ini turut berasakan kerjaya sebagai usahawan penternakan selain mempunyai ilmu dalam bidang kejuruteraan adalah satu garapan yang baik.

Menceritakan pembabitannya dalam bidang itu, Ahmad berkata, sejak di tahun akhir di universiti dia sudah nekad untuk pulang ke kampung sebaik sahaja tamat

pengajian untuk menjaga ibunya yang kurang sihat.

"Ketika itu saya sudah mula berfikir untuk menyertai bidang penternakan dan pertanian memandangkan keluarga mempunyai tanaman kelapa sawit. Sebelum ini ayah juga memiliki ternakan kambing, tetapi terpaksa menjualnya kerana tiada masa untuk menguruskannya.

"Justeru, pada 2016, sebaik sahaja tamat pengajian saya menghabiskan masa hampir setahun untuk menyertai pelbagai kursus dalam bidang itu dan secara beransur-ansur mula membina kandang di belakang rumah ibu bapa saya," katanya.

Langkah mengikuti pelbagai kursus anjuran pelbagai pihak amat membantu menjadikan dirinya lebih bersedia termasuk mengenal pasti operasi, pengurusan dan penjagaan lembu.

"Pada 2017, saya mula bergerak secara aktif. Pada ketika itu, dengan membekalkan modal sendiri dan mendapatkan modal

AHMAD menjadi usahawan ternakan pada usia 27 tahun.



Saya menggunakan pakai sisa pertanian seperti tanaman jagung yang diproses sendiri untuk dijadikan silaj, jerami padi dan dedak sebagai sumber makanan

AHMAD

RM50,000 menerusi perkongsian wang bersama isteri dan adik-beradik iaitu dijadikan sebagai satu bentuk pelaburan kepada mereka.

“Saya amat yakin dengan suntikan pelaburan itu mampu meraih pulangan modal kerana permintaan daging lembu terutama pada musim perayaan khususnya Aidiladha amat tinggi di pasaran setempat,” katanya.

Unjuran model

perniagaan yang dilakukan Ahmad menyebelahnya apabila sebaik sahaja tiba musim perayaan itu, semua pelaburnya mendapat keuntungan dan pulangan modal.

Katanya, bermula dengan hanya 13 lembu pada 2017, kini dia sudah mempunyai 85 lembu, campuran segmen ternakan dan ‘trading.’ Malah, Ahmad juga sudah membesarkan tempat operasinya daripada

belakang rumah ibu bapanya kepada ladang penternakan seluas kira-kira 2.4 hektar.

Selain itu, dia juga dalam proses menambah baik kandangnya itu yang sekarang ini mampu menampung 100 lembu kepada 200 lembu ‘trading’ dalam satu masa.

Tidak sekadar itu, penerima Anugerah Khas Belia Tani Lelaki Negeri Terengganu 2020



**LEMBU** dari baka Charolais (berwarna putih) dan Limousine (berwarna coklat) dimiliki Ahmad untuk ternakan.



**JERAMI** padi menjadi diet lembu ternakan.

**MEMBEKAL: DAGING SEGAR QURBAN AQIOAH DAGING KAWAH**

**SILAJ TERNAKAN**

**SILAJ** daripada batang jagung yang diproses.

MAKLUMAT NUTRISI / NUTRITION FACTS		MAKLUMAT NUTRISI / NUTRITION FACTS	
Crude Protein	2.0%	Crude Protein	18.6%
Crude Fat	0.2%	Crude Fat	71.2%
Moisture	1.2%		

25kg



**MELUASKAN** bidang usahawan penternakan kepada pengeluaran nanas.



**DINOBATKAN** sebagai pemenang Anugerah Khas Belia Tani Lelaki Negeri Terengganu 2020.

itu turut dalam proses membangunkan rumah penyembelihan swasta berkonsep semi- auto menggunakan sistem hidraulik di premis miliknya itu dalam memperkemaskan lagi operasinya.

Ditanya mengenai jenis lembu yang dimilikinya, Ahmad berkata, ada beberapa jenis seperti Kedah-Kelantan, kacukan Brahman, Limousine dan Charolais.

Katanya, dalam perniagaan penternakan, pemakanan antara elemen

paling utama yang perlu diberi perhatian kerana dengan adanya diet yang betul boleh memberi jaminan kepada kesihatan haiwan ternakan.

“Saya mengguna pakai sisa pertanian seperti tanaman jagung yang diproses sendiri untuk dijadikan silaj, jerami padi dan dedak sebagai sumber makanan. Makanan yang diproses sendiri dapat mengurangkan kos operasi bulanan.

“Makanan antara kos operasi yang terbesar dalam perusahaan ini

dan kita kena bijak untuk menyediakan diet yang sesuai serta tidak bergantung dengan dedak yang kini harganya sentiasa naik,” katanya.

Tambahnya, jika seseorang itu ingin menyertai bidang perniagaan ini seharusnya mempunyai minat mendalam dan perlu mempunyai ilmu pengetahuan dari segi pengurusan ternakan, pengurusan perniagaan dan sentiasa bersedia sedia dengan sebarang risiko yang mendatang.